

REGLUR

um skipulag, úthlutun og notkun númera, númeraraða og vistfanga.

1. gr.

Gildissvið.

Póst- og fjarskiptastofnunin setur hér með eftirfarandi reglur um númer, númeraraðir og vistföng sem notuð eru í fjarskiptaþjónustu og númer, númeraraðir og vistföng sem notuð eru við samtengingu sjálfstæðra fjarskiptaneta.

2. gr.

Skilgreiningar.

Vísað er til skilgreininga í fjarskiptalögum en auk þess hafa eftirfarandi orð sérstaka merkingu:

Notendanúmer:	Númer sem áskrifendur fjarskiptaþjónustu fá úthlutað hjá rekstrarleyfishafa vegna tengingar við fjarskiptanet þeirra og hægt er að hringja í eða nota til að sækja þjónustu frá rekstrarleyfishöfum.
Símanúmer:	Notendanúmer í almennri talsímaþjónustu, samneti eða farsímaþjónustu.
Forskeyti:	Númer sem notandi verður að velja á undan t.d. landsnúmeri til að fá aðgang að utanlandsþjónustu eða á undan innlendu símanúmeri.
Landsnúmer:	Númer eða kóði 1-, 2- eða 3-stafa sem alþjóðafjarskiptasambandið (ITU) hefur úthlutað í samræmi við tilmæli E.164.
Neyðarnúmer:	Númer sem eingöngu skal nota fyrir tilkynningar um um slys og beiðni um neyðarhjálp.
Þjónustunúmer:	3- eða 4-stafa númer sem veita aðgang að sérstakri þjónustu sem tengist fjarskiptastarfsemi rekstrarleyfishafa, sbr. bilanatilkynningar, þjónustuver o.fl.
A-notandi:	Notandi sem efnir til samskipta við annan notanda eða þjónustuveitanda með upphringingu.
Númeraflutningur:	Möguleiki áskrifenda að flytja með sér númer sín þegar þeir breyta um þjónustuveitanda, heimilisfang eða þjónustu.

3. gr.

Tilgangur.

Samkvæmt 2. gr. laga um fjarskipti skal Póst- og fjarskiptastofnun hafa umsjón með fjarskiptamálum á Íslandi og hafa eftirlit með framkvæmd laganna.

Meðal verkefna sem lög um Póst- og fjarskiptastofnun kveða á um að hún annist er að setja reglur um úthlutun notendanúmera.

Markmið skipulags um notendanúmer eins og það kemur fram í þessum reglum er að kveða á um úthlutun númera fyrir mismunandi þjónustu og ákveða forgangs röðun. Skipulaginu er í fyrsta lagi ætlað að tryggja rekstrarleyfishöfum sem veita fjarskiptaþjónustu að-

gang að númerum fyrir notendur sína og tryggja notendum hverjum fyrir sig númer sem tengist honum einum og gerir öðrum kleift að beina til hans fjarskiptaboðum. Í öðru lagi að númer séu fánleg fyrir samtengingu neta. Póst- og fjarskiptastofnun úthlutar ekki númeraröðum til annarra en fengið hafa rekstrarleyfi hjá stofnuninni.

Úthlutun númera og númeraraða felur í sér heimild til afnota, en leiðir ekki til eignaréttar á númerum eða númeraröðum.

Skipan númeramála samkvæmt þessum reglum byggir á tilmælum alþjóðafjarskiptasambandsins ITU um númer í alþjóðatalsíma og vistföng í gagnaflutningsnetum. Þar er m.a. kveðið á um hámarks lengd númera og um lands- og netnúmer. Þar að auki skulu ýmis forskeyti og þjónustunúmer vera í samræmi við tilskipanir ESB, sem gildi hafa tekið á Evrópska efnahagssvæðinu.

Í allri fjarskiptaþjónustu sem sækir skipulag númera og vistfanga til tilmæla ITU skal eingöngu nota númer og vistföng sem Póst- og fjarskiptastofnun hefur úthlutað.

Póst- og fjarskiptastofnun setur fram og uppfærir heildarskipulag á númerum fyrir mismunandi þjónustu og ramma um vistföng í fjarskiptanetum. Rekstrarleyfishöfum ber að veita stofnuninni allar upplýsingar um númer í notkun sem og um möguleika jafnt sem takmarkanir fjarskiptakerfa þeirra að því er varðar notkun númera.

Breytingar á skipulagi, sem fela í sér að hópar notenda verða að breyta um númer, skal stofnunin kynna með 2 ára fyrirvara. Póst- og fjarskiptastofnun bætir ekki notendum eða rekstrarleyfishöfum kostnað eða annað fjárhagslegt tjón sem hlýst af númerabreytingum.

4. gr.

Umsóknir.

Rekstrarleyfishafar sem hyggjast úthluta notendum númerum vegna fjarskiptaþjónustu skulu sækja um númeraraðir til Póst- og fjarskiptastofnunar. Í umsókn skal koma fram eftirfarandi:

Tegund þjónustu.

Landssvæði þar sem þjónusta er/verður veitt.

Fjöldi notenda í viðkomandi þjónustu.

Lengd númeraraðar/raða sem óskað er eftir.

Fjöldi notenda sem reiknað er með að bætist við á næsta heila ári.

Póst- og fjarskiptastofnun skal úthluta rekstrarleyfishöfum númeraröðum eftir þörfum þeirra að svo miklu leyti sem heildarskipulag númera leyfir, sbr. 6. gr. Við úthlutun skal miðað við þarfirnar a.m.k. næsta heila árið, en lengur ef nægjanlegt svigrúm er til þess að mati stofnunarinnar.

Umsóknir um númer fyrir samtengingu neta og stuttnúmer skv. 7. lið 7. gr. skulu rekstrarleyfishafar senda Póst- og fjarskiptastofnun. Með umsóknum skulu fylgja upplýsingar um eftirfarandi eftir því sem við á:

Tegund þjónustu

Landssvæði þar sem þjónusta verður veitt

Heiti neta sem á að samtengja

Samtengistaður/staðir

Gjaldtökuaðferð fyrir þjónustuna eða samtenginguna

Umsóknum um stuttnúmer skv. 6. lið 7. gr. skal skila til Póst- og fjarskiptastofnunar með ofangreindum upplýsingum eftir því sem við á.

Póst- og fjarskiptastofnun er heimilt að auglýsa eftir umsóknum áður en ákvörðun er tekin um úthlutun númera fyrir val á þjónustuveitanda, ef þeir eru fleiri en einn í viðkomandi þjónustu.

5. gr.

Framsal, ábyrgð og nýting.

Ekki er rekstrarleyfishafa heimilt nema að fengnu leyfi Póst- og fjarskiptastofnunar að framselja númer eða númeraraðir til annars rekstrarleyfishafa.

Rekstrarleyfishafar eru ábyrgir fyrir rétttri notkun númera þ. á m. að númer séu ekki notuð í öðrum tilgangi en viðkomandi númeraröð hefur verið úthlutað fyrir. Úthlutað númer má eingöngu nota í fjarskiptaþjónustu á Íslandi.

Rekstrarleyfishafar sem fengið hafa úthlutað númeraröðum skulu leitast við að nýta þær á sem bestan hátt. Einkum er óheimilt að velja notendum númer á þann hátt að eyður myndist í númeraröð að óþörfu. Komi í ljós að númeraraðir eru vannýttar getur Póst- og fjarskiptastofnun hafnað frekari úthlutun eða dregið fyrri úthlutun til baka að öllu eða einhverju leyti. Rekstrarleyfishafi sem hefur vannýtt númeraröð með því t.d. að skilja eftir eyður í númeraröð að óþörfu á það á hættu að notendur hans einn eða fleiri kunna að sæta númerabreytingu. Rekstrarleyfishafi ber fjárhagslega ábyrgð gagnvart notanda sínum í slíku tilfalli.

Póst- og fjarskiptastofnun getur afturkallað úthlutun númeraraða, ef í ljós kemur að ekki hefur verið fylgt reglum við úthlutun einstakra númera. Sömuleiðis getur stofnunin afturkallað úthlutun að hluta til, ef rekstrarleyfishafi hefur ofmetið þörf sína fyrir númer eða þegar númer eða númeraröð hefur ekki verið tekin í notkun innan tiltekins tíma.

Breytingar á þjónustunúmerum skulu tilkynntar viðkomandi aðilum með minnst 6 mánaða fyrirvara.

6. gr.

Úthlutun.

Rekstrarleyfishöfum í talsímaþjónustu þ.m.t. farsímaþjónustu skal úthluta eftir þörfum sjö stafa númerum í röðum í skipulaginu. Númer sem byrja á tölustafnum 3 skulu þó vera níu stafa.

Rekstrarleyfishöfum talsímaþjónustu þ.m.t. farsímaþjónustu skal úthluta 4- eða 5-stafa þjónustunúmerum í númeraskipulaginu.

Rekstrarleyfishöfum í utanlandsþjónustu skal úthluta 4- eða 5-stafa forskeytum. Fyrir þessa þjónustu er notuð röðin 10xx(x) og númerið 1100.

Útlandanúmeri 00, neyðarnúmeri 112 og þriggja stafa númerum er ekki úthlutað sérstaklega en rekstrarleyfishafar geta fengið afnot af þessum númerum til sérstakra þjónustuaðgerða samkvæmt reglum 7. gr.

Umsóknir um númer og númeraraðir skulu að jafnaði afgreiddar í sömu röð og þær berast Póst- og fjarskiptastofnun.

Úthlutun stuttnumera er bundin þeirri notkun sem umsókn var miðuð við, sbr. 4. gr.

Verði þeirri notkun hætt eða hún breytist fellur úthlutunin sjálfkrafa niður.

Rekstrarleyfishafar skulu greiða gjald fyrir úthlutað númer og raðir samkv. gjaldskrá Póst- og fjarskiptastofnunar. Fyrir stuttúmer greiðist samkvæmt lögum um Póst- og fjarskiptastofnun.

7. gr.

Skipulag númera í almennri talsímaþjónustu, samneti og farsíma.

Í fjarskiptanetum þar sem veitt er talsíma-, samnets- og farsímaþjónusta skulu gilda 7- eða 9-stafa símanúmer. Við upphringingar milli símnotenda sama rekstrarleyfishafa og milli símnotenda mismunandi rekstrarleyfishafa skal nota 7-stafa númer. Upphringingar símnotenda í íslenskum fjarskiptanetum til útlanda skulu gerðar með því að velja fyrst útlandsforskeyti 00, síðan landsnúmer og í sumum tilfellum svæðisnúmer og að lokum símanúmer

notandans erlendis. Val á utanlandsþjónustu, þegar það er fyrir hendi, skal framkvæmt með því að velja forskeyti fyrir þjónustuaðila áður en símanúmer er valið.

Röðun númera fyrir mismunandi þjónustu og notkun skal vera sem hér segir:

1. Almenn símanúmer skulu vera 7-stafa í röðunum 20-99 að undantekinni röð 3 sem er 9-stafa.
2. Fyrir þjónustu þar sem notið á að framkvæma sérstakar aðgerðir á uppköllum eftir því um hvaða númer er að ræða aðrar en taldar eru í öðrum liðum þessarar greinar skal nota 7-stafa símanúmer sem byrja á 75.
3. Þegar ekki á að gjaldfæra A-notanda fyrir símtali skal nota 7-stafa númer sem byrja á 80.
4. Númer sem byrja á 901-908 skal nota fyrir þjónustu með yfirgjaldi.
5. Almenningsgjálföllum, sem tekið er aukagjald fyrir að hringja í, skal gefið 7-stafa númer sem byrjar á 909.
6. Sérstökum 4-stafa númerum sem byrja á 17 má ráðstafa til opinberra stofnana í því skyni að upplýsa almenning um ástand sem getur varðað öryggi fólks.
7. Sérstök 4-stafa númer sem byrja á 14 og 18 eru til ráðstöfunar sem þjónustunúmer þar sem rekstrarleyfishafar geta veitt upplýsingar tengdar þjónustu sem þeir veita í þjónustuver eða upplýsingar t.d. um símanúmer.
8. Þriggja stafa þjónustunúmer sem byrja á 11 og 15, og voru í notkun 1. júlí 1997, má nota áfram fyrst um sinn eða þangað til annað verður ákveðið.
9. Póst- og fjarskiptastofnun skal gefa út lista yfir úthlutaðar númeraraðir í samræmi við framangreint.

8. gr.

Númera- og vistfangaskipulag fyrir gagnaflutningsþjónustu.

Gagnaflutningsnet sem taka mið af ITU tilmælum X.121 skulu nota gagnanetfangskóða eða DNIC (Data Network Identification Code) innan þess sviðs sem ITU hefur úthlutað Íslandi.

Gagnaflutningsnet sem falla undir vistfangaskipulag í samræmi við ITU tilmæli X.400/F.401 skulu nota ADMD (Administration Management Domain) vistföng í samræmi við tilmælin.

Póst- og fjarskiptastofnun heldur skrá yfir netföng (DNIC) og vistföng (ADMD) sem rekstrarleyfishöfum hefur verið úthlutað.

9. gr.

Númer fyrir skip.

Póst- og fjarskiptastofnun úthlutar skipum og bátum númerum fyrir skipa- og bátastöðvar í sjófjarskiptaþjónustu (Maritime Mobile Service Identities, MMSI). Númerin skulu valin í samræmi við tilmæli ITU E.210. Stofnunin úthlutar einnig notendanúmerum fyrir Inmarsat-þjónustu (Inmarsat Mobile Number, IMN) í samræmi við tilmæli ITU E.215.

10. gr.

Kerfisnúmer og vistföng í fjarskiptanetum.

Samtenging fjarskiptaneta á grundvelli tilmæla ITU og staðla ETSI skal gerð með notkun númera og vistfangaaðferða sem ITU og ETSI hafa skilgreint. Póst- og fjarskiptastofnun annast nánari útfærslu á þessum aðferðum.

Póst- og fjarskiptastofnun annast úthlutun og skráningu á eftirfarandi kóðum:

1. ISPC (International Signalling Point Code) samkvæmt ITU tilmælum Q.708.
2. SPC (Signalling Point Code) fyrir sírstöðvar í innlenda símakerfinu. Kerfisnúmer

Þessara símsstöðva skal innihalda 14 bita og ákveður Póst- og fjarskiptastofnun fyrstu 3 bitana. Næstu 8 bita geta rekstrarleyfishafar notað til að aðgreina stöðvar eftir svæðum og 3 síðustu til að greina sundur stöðvar á sama svæði.

Rekstrarleyfishafar skulu tilkynna Póst- og fjarskiptastofnun hálfárslega um SPC, sem eru í notkun.

3. MNC (Mobile Network Code) sem er hluti af IMSI (International Mobile Subscriber Identity) samkvæmt ITU tilmælum E.212 og ETSI stöðlum ETS 300 523, 2. útgáfa.
4. IIN (Issuer Identification Number) samkvæmt tilmælum E.118.
5. TMNC (TETRA Mobile Network Code) sem er hluti af ITSI (International TETRA Subscriber Identities) samkvæmt ETSI staðli ETS 300 392-1.

Upplýsingar um þessa kóða má fá hjá Póst- og fjarskiptastofnun.

Ef notkun úthlutaðra kerfisnúmera og vistfanga í fjarskiptanetum er hætt, skal tilkynna það Póst- og fjarskiptastofnun innan mánaðar.

11. gr.

Gildistaka.

Reglur þessar eru settar samkvæmt lögum nr. 110/1999 og nr. 107/1999 og taka gildi við birtingu. Viðurlög við brotum á reglunum fara eftir ákvæðum laga nr. 107/1999.

Póst- og fjarskiptastofnun, 10. nóvember 2000.

Gústav Arnar.

Bjarni Sigurðsson.

Nr. 833

14. nóvember 2000

AUGLÝSING

um deiliskipulag í Kópavogi.

Kópavogsbraut 58, lóð Þinghólsskóla.

Á fundi bæjarstjórnar Kópavogs 26. september 2000 var samþykkt tillaga að deiliskipulagi við Kópavogsbraut 58, lóð Þinghólsskóla. Tillagan var auglýst í samræmi við 25. gr. skipulags- og byggingarlaga nr. 73/1997. Athugasemdir og ábendingar bárust. Tillagan var samþykkt með þeirri breytingu að hámarkshæð fyrirhugaðrar viðbyggingar við Þinghólsskóla verður 7,5 m miðað við kóta núverandi byggingar í stað 9,0 m eins og gert var ráð fyrir í auglýstri tillögu. Einnig var uppdráttur er sýnir núverandi aðstæður á deiliskipulagssvæði lagfærður hvað varðar uppröðun bílastæða og eldri samþykkt um viðbyggingu færð inn á uppdráttinn með brotinni línu. Þá er greinargerð leiðrétt til samræmis við umsögn.

Skipulagsstofnun var sent deiliskipulagið til skoðunar og gerði stofnunin ekki athugasemdir við að auglýsing um gildistöku þess yrði birt í B-deild Stjórnartíðinda.

Skipulagið öðlast þegar gildi.

Kópavogi, 14. nóvember 2000.

Birgir H. Sigurðsson skipulagsstjóri.